



*Jumat, 06 Nopember 2020*

**Ogen: Jeremia 37 : 11-21**



**Raja Ngukum Dibata Simbebasken**



**R**aja ras bangsa Israel la nggit megiken kai sinikataken Nabi Jeremia, tentera Babilon mundur i bas Israel nari sabap tentera Mesir enggo reh deherna tupung sie Jeremia lawes nadingken kuta e tapi igerbang kota itangkap ia janah ipenjaraken. Kenca bage dekahna ia ngenanami kiniseran i bas penjara isuruh raja Sedekia nabi Jeremia ngadap ras nungkun sinikataken Tuhan man bana emaka alu tangkas Jeremia ngerana nina : lit sinikataken Tuhan i ja lanai ndekahsa maka raja Babilon nangkap raja Sedekia bage Nina nabi Jeremia. Emaka mindo Jeremia gelah min ia ipulahi i bas penjara nari, sabap adi iulihkan ugagape Jeremia mate erkiteken sie maka Jeremia ipenjaraken i kesain pegawai Istana.

Temanta i bas renungenta enda Raja ngukum, Dibata si mbebasken. Uga pa pe hebatna raja i doni enda lit denga Dibatanta lebih hebat asangken gegeh manusia. Emaka ula mbiar sabap la pernah manusia meneken manusia, bicara lit pe ukur kalak si ilat man banta adi lang nina Tuhan la lit kuasa manusia e erbahasa kita mate. Sabap labo terjului Kuasa Tuhan. Pengalamen Jeremia anemgia i teruh taneh i bas ingan si gelap ia ipenjaraken tapi Tuhan si nelamatkan.

Wabah covid langa si eteh ndigan ngadina, kai pe pendahinta kerina terpuruk bas perekonomin, erga hasil juma pe murah kal, erkiteken erupsi deleng sinabung si seh ngasa genduari pe lenga bo erkedungen. Situasi si bagenda banci saja erbahansa gelap si akap, erpengendeslah man Tuhan eme jadi gegehta, i bas IA ngenca kita ngasup ngalakensa janah. I bas Tuhan lit serpang pulah. Kinitekenta radu erdalan ras perbebenta e, saja ngenca ula kal kita kote, ula sempat bene kinitekenta erkiteken gelapna wari-wari kegeluhenta sabap lit pembelanta eme Tuhan si mada geluhta.